



KENNISGEWING

VERLENING VAN GRADE, DIPLOMAS EN SERTIFIKATE (INGESLUIT DOKTORALE GRADE): APRIL 2019

Hierdie kennisgewing word aan ALLE voorgraadse finalejaarstudente en nagraadse studente gestuur, ongeag of hulle wel by enige van die ondergemelde gradeplegtighede sal gradueer, al dan nie.

Die kennisgewing is dus nie 'n bewys van verwerping van die kwalifikasie nie, aangesien dit uitgestuur en gepubliseer word voordat dit bekend is watter studente by die betrokke plegtighede sal gradueer.

TOEGANGSKAARTJIES VIR GASTE: Weens Veiligheidswetgewing en in die belang van alle kandidate en hul gaste se veiligheid, mag die sitplekkapasiteit van die Coetzenburg-sentrum nie oorskry word nie. Daarom sal 'n spesifieke getal toegangskaartjies per kandidaat uitgereik word. Kyk afdeling B, punt 4, verder aan vir die spesifieke reëlings in dié verband.

A. PLEK, DATUMS EN TYE

Die verlening van grade, diplomas en sertifikate (hierna **kwalifikasies** genoem) (ingesluit doktorale grade en eredoktorsgrade) in **April 2019** vind plaas in die **Coetzenburg-sentrum** op die **Coetzenburg sportgronde** op die datums en tye soos in die tabel hieronder aangedui.

Elke plegtigheid begin stiptelik op die tyd in hakies hieronder aangedui, maar alle **kandidate tot op magistervlak** moet **TWEE UUR** vroeër by die **pawiljoen van die Danie Cravenstadion** aanmeld, reeds in besit van hul gehuurde akademiese drag. **Doktorale kandidate** moet **1½ uur** voor die aanvang van die betrokke plegtigheid in die **Barlowkamer** in die **Jannie Marais-huis** op Coetzenburg aanmeld, ook in besit van hul gehuurde akademiese drag. Kandidate wat met of sonder gehuurde akademiese drag by die Coetzenburg-sentrum arriveer nadat die gradeplegtigheid reeds begin het, sal nie oor die verhoog kan stap nie en hul kwalifikasie sal **in absentia** toegeken word. Lees asseblief afdelings B en C verder aan baie noukeurig.

1. DINSDAG 2 APRIL (17:00)	AgriWetenskappe Geneeskunde en Gesondheidswetenskappe Eredoktorsgraad
2. WOENSDAG 3 APRIL (10:00)	Ekonomiese en Bestuurswetenskappe (Groep A*) Eredoktorsgraad
3. WOENSDAG 3 APRIL (17:00)	Teologie Ekonomiese en Bestuurswetenskappe, maar slegs BRekLLB, BRek, HonsBRek en MRek Ingenieurswese Eredoktorsgraad
4. DONDERDAG 4 APRIL (10:00)	Ekonomiese en Bestuurswetenskappe (Groep B*)
5. DONDERDAG 4 APRIL (17:00)	Lettere en Sosiale Wetenskappe, maar nie BA (Regsgeleerdheid) nie. Dit is geskeduleer vir Vrydag 5 April om 10:00

6. VRYDAG 5 APRIL (10:00)	Natuurwetenskappe Opvoedkunde Regsgeleerdheid (BA Regsgeleerdheid, LLB en nagraadse kwalifikasies van die Fakulteit Regsgeleerdheid) Krygskunde Eredoktorsgraad
---------------------------	---

***GROEPIDELING vir Fakulteit Ekonomiese en Bestuurswetenskappe**

Groep A	Groep B
Diploma in Openbare Verantwoordbaarheid	Nagr Dipl in Aktuariële Wetenskap
Nagr Dipl in Besigheidsbestuur en Admin	Nagr Dipl in Bemaking
Nagr Dipl in Dispuutbeslegting	Nagr Dipl in MIV/Vigsbestuur
Nagr Dipl in Finansiële Beplanning	Nagr Dipl in Vervoer en Logistiek
Nagr Dipl in Leierskapontwikkeling	BCom (ingesluit Regsgeleerdheid)
Nagr Dipl in Omgewingsbestuur	HonneursBCom (maar nie Openbare en Ontwikkelingsbestuur nie, dit val in Groep A)
Nagr Dipl in Ontwikkelingsfinansies	MPhil (alle studierigtings wat nie by Groep A ingedeel is nie)
Nagr Dipl in Projekbestuur	MCom
Nagr Dipl in Toekomsstudie	PhD (Stellenboschkampus)
Nagr Dipl in Volhoubare Ontwikkeling	LET WEL: BRekLLB, BRek, HonsBRek en MRek is ingedeel by Woensdag 3 April om 17:00.
HonneursBPA	
HonneursBCom (maar slegs Openbare en Ontwikkelingsbestuur)	
MPhil (Bestuursafrigting, Omgewingsbestuur, Ontwikkelingsfinansies, Toekomsstudie, Volhoubare Ontwikkeling)	
MPA	
MBA	
PhD (Bestuurskool)	
LET WEL: BRekLLB, BRek, HonsBRek en MRek is ingedeel by Woensdag 3 April om 17:00.	

B. PROSEDURE EN GASTE

- Alle kandidate (**uitgesonderd doktrale kandidate, kyk punt 2 hieronder**) moet **twee uur** voor die aanvang van die betrokke plegtigheid **agter die pawiljoen van die Danie Cravenstadion** aanmeld om in die korrekte volgorde (kandidateprosesie) opgestel te word **en om die naamkaartjie wat tydens oorstap oor die verhoog vir die Dekaan gegee moet word, te ontvang.** Vir oggendplegtighede moet kandidate agter die pawiljoen vergader en vir middagplegtighede gaan sit kandidate in die pawiljoen aan die rivier se kant. By aankoms by die Danie Craven Pawiljoen moet alle kandidate reeds in besit van hulle gehuurde akademiese drag vir die plegtigheid wees (kyk afdeling C hieronder vir huur van akademiese drag). By die opstel van die kandidateprosesie sal per fakulteit begin word met die magistergrade, dan honneursgrade, dan nagraadse diplomas, dan baccalaureusgrade en dan voorgraadse diplomas.

Kandidate wat nie bekend is met Stellenbosch nie, word aangeraai om hulle vooraf van die ligging van en die roete na Coetzenburg sportgronde en die Coetzenburg-sentrum te vergewis. Kandidate wat van openbare vervoer gebruik maak en/of van ver af reis om gradeplegtighede by te woon, word aangeraai om genoeg tyd toe

te laat vir moontlike onvoorsiene gebeure soos vlugte of busse wat laat vertrek, padwerke wat oponthoude kan veroorsaak, of voertuie wat onklaar raak. Daar is gewoonlik ook druk verkeer in Stellenbosch, veral by die Coetzenburg sportgronde, wat in gedagte gehou moet word. Parkering (soms ver van die Coetzenburg-sentrum) en die huur van akademiese drag kan heelwat tyd in beslag neem. Kandidate wat van baie ver af reis, word aangeraai om liewer reeds die dag voor die betrokke plegtigheid in Stellenbosch te arriveer.

2. **Doktorale kandidate** moet **1½ uur** voor die aanvang van die betrokke plegtigheid in die **Barlowkamer in die Jannie Marais-huis op Coetzenburg** aanmeld. Op daardie stadium moet alle doktorale kandidate reeds in besit van hulle gehuurde akademiese drag vir die plegtigheid wees. Die Jannie Marais-huis en “Die Stal”, waar die akademiese drag verhuur word, is deel van dieselfde gebouekompleks. Kyk afdeling C hieronder vir huur van akademiese drag.
3. **Gestremde of beseerde kandidate** wat nie oor die verhoog kan beweeg tydens die toekenning van die betrokke kwalifikasie nie (daar is trappe op na en af van die verhoog), moet asseblief teen nie later nie as **Woensdag 20 Maart** met die **Kontaksentrum** by tel nr **021 808 9111** of e-pos info@sun.ac.za in verbinding tree, met die oog op die tref van spesiale reëlins vir die toekenning van die kwalifikasie voor die verhoog.
4. Die volgende reëlins geld vir **toegangskaartjies** vir die **gaste van kandidate**:
 - Kandidate tot op **honneursvlak** kan elk **twee gaste**, kandidate tot op **magistervlak** kan elk **drie gaste** en **doktorale kandidate** kan elk **vier gaste** na 'n plegtigheid nooi.
 - Die toegangskaartjies sal aan kandidate voorsien word by die huur van akademiese drag in “**Die Stal**” by die **Jannie Marais-huis op Coetzenburg**. Kyk afdeling C hieronder vir die huur van akademiese drag.
 - Gaste wat sonder toegangskaartjies by die Coetzenburg-sentrum arriveer, sal versoek word om plek in te neem in 'n lesinglokaal in die Sportwetenskapgebou net agter die Coetzenburg-sentrum, waar die verrigtinge op die verhoog in die sentrum op 'n groot skerm gevolg sal kan word. Indien daar by die aanvang van 'n plegtigheid oop sitplekke in die Coetzenburg-sentrum beskikbaar is, sal hierdie gaste moontlik na die sentrum verskuif kan word.
 - Gaste wat ná die aanvang van 'n plegtigheid arriveer, kan – selfs met toegangskaartjies – in 'n lesingsaal in die Sportwetenskapgebou geplaas word.
 - Voorskoolse kinders moet liefers nie die plegtighede bywoon nie. Indien wel, moet hulle ook oor toegangskaartjies beskik en sal gevolglik deel van die getal toegangskaartjies wat per kandidaat uitgereik kan word, vorm.
5. Die Universiteit doen 'n vriendelike beroep op alle kandidate en op hul gaste om nie die saal tydens die plegtigheid te verlaat nie en sodoende te verseker dat die plegtigheid met die nodige waardigheid verloop. Indien dit vir **kandidate** onmoontlik blyk te wees om die volle duur van 'n plegtigheid teenwoordig te wees, moet hulle dit oorweeg om die kwalifikasie **in absentia** te ontvang (kyk afdeling D vir die aansoekproses). Indien dit vir **gaste** onmoontlik blyk te wees om die volle duur van 'n plegtigheid teenwoordig te wees, moet die plegtigheid eerder nie bygewoon word nie.
6. Kandidate en hul gaste word ook vriendelik versoek om slegs ongegeurde water die saal binne te neem, geen eetgoed en koeldrank nie, asseblief. Die Coetzenburg-sentrum is toegerus met 'n spesiale vloeroppervlakte wat beskadig kan word deur eet- en drinkgoed wat daarop val.

C. AKADEMIESE DRAG

1. Om nie afbreuk aan die waardigheid van die plegtigheid te doen nie, word van kandidate verlang om keurig en gepas vir die amptelike geleentheid geklee te wees. Mans moet kraaghemde dra. Die dra van 'n toga is verpligtend.
2. Die prosedure vir die huur van akademiese drag (togas en kwalifikasiebande) is soos volg:
 - 2.1 Alle kandidate moet reeds oor hulle gehuurde togas en kwalifikasiebande beskik wanneer hulle twee uur voor die plegtigheid (1½ uur vir doktorale kandidate) by die Barlowkamer (vir doktorale kandidate) en die pawiljoen van die Danie Cravenstadion (vir kandidate tot op magistervlak), op Coetzenburg aanmeld. Die verhuring vind plaas vanuit “**Die Stal**” by die **Jannie Marais-huis op Coetzenburg** op die volgende dae en tye:

Dinsdag 2 tot Donderdag 4 April	07:00 – 21:00
Vrydag 5 April (huur en terughandiging)	07:00 – 10:00
Vrydag 5 April (slegs vir terughandiging)	10:00 – 16:00

- 2.2 Kandidate vir Dinsdagmiddag, Woensdagmiddag en Donderdagmiddag se plegtighede kan hulle akademiese drag vanaf **07:00** op die dag van die plegtigheid huur. Kandidate vir Woensdagoggend, Donderdagoggend en Vrydagoggend se plegtighede kan hulle akademiese drag reeds op die vorige dag vanaf **15:00** huur. Akademiese drag kan ook by aankoms vir 'n plegtigheid gehuur word, maar die aanmeldingstyd by die Danie Craven Pawiljoen moet in gedagte gehou word.
- 2.3 Die huurtarief vir 'n toga en graad-/diploma-/sertifikaatband tot op **magistervlak** sal **R230+R300 deposito = R530** en vir doktoraal **R330+R500 deposito = R830** beloop. 'n **Addisionele band** vir 'n voorheen verworwe kwalifikasie kan teen **R100 bykomend** gehuur word (nie terugbetaalbaar nie). **Slegs kontant** sal aanvaar word en die R300 of R500 deposito is terugbetaalbaar by terughandiging van die gehuurde akademiese drag in "Die Stal" na afloop van die plegtigheid. **Gehuurde akademiese drag moet na afloop van 'n gradeplegtigheid in "Die Stal" teruggehandig word.**
- 2.4 Kandidate wat alreeds graad(e) aan ander universiteit(e) verwerf het, moet vroegtydig die graadband(e) van die betrokke universiteit(e) aanvra indien hulle die graadband(e) by hierdie plegtigheid sou wil dra.

D. TOEKENNING VAN GRADE, DIPLOMAS EN SERTIFIKATE IN AFWESIGHEID

Kandidate wat nie die gradeplegtigheid kan bywoon nie, kan reël dat hulle graad, diploma of sertifikaat **in absentia** verleen word deur die nodige versoek hiervoor op www.mymaties.com vóór **Vrydag 22 Maart** te voltooi. Die betrokke gradueringsdokumentasie sal dan outomaties ná afloop van al die plegtighede per geregistreerde pos na hulle posadres op die Universiteit se databasis gestuur word.

LW: Vorm op www.mymaties.com >> Studies >> Afwesigheid van Gradeplegtigheid

E. NEEM VAN FOTO'S

Akademiese drag is by alle plaaslike fotografe beskikbaar vir die neem van foto's. Inligting oor die neem van gesinsfoto's op die Coetzenburg-terrein word verder aan in hierdie dokument verstrek. Tydens die verloop van die plegtigheid word drie foto's van elke kandidaat by toekenning van die betrokke kwalifikasie op die verhoog geneem, wat later bestel kan word. 'n Bestelvorm word ná die plegtighede aan graduandi gestuur.

F. EKSAMENUITSLAE

Die eksamenuitslae word amptelik bekend gemaak op **Vrydag 8 Maart om 14:00**.

Studente kan hul uitslae verkry deur:

1. die **studenteportaal** by www.mymaties.com te gebruik, of
2. navraag te doen by die Universiteit se **outomatiese antwoorddiens** by 083 123 7777, of
3. die **selfoon** webtoepassing by <http://m.mymaties.com> te gebruik.

G. GELDSKULDENAARS

Kandidate wat afstudeer, maar wat geld aan die Universiteit verskuldig is, is onderworpe aan die volgende bepalinge:

1. Waar die verskuldigde bedrag meer as R100,00 is, ontvang die kandidaat 'n rekening en aanmaningsbrief, in plaas van die amptelike gradueringsdokumente, in die dokumentasiekoker. Waar die verskuldigde bedrag minder as R100,00 is, ontvang die kandidaat wel die amptelike dokumente.
2. Om dit vir die Universiteit logisties moontlik te maak om kandidate se gradueringsdokumente by die plegtighede uit te reik, **moet alle verskuldigde bedrae teen Vrydag 22 Maart om 12:00** vereffen wees.

Ons hoop en vertrou dat die bywoning van 'n plegtigheid 'n besonder aangename ervaring vir kandidate, familie en vriende sal wees.

Algemene inligting

Prosedure **twee uur (1½ uur vir doktoraal)** voor 'n plegtigheid 'n aanvang neem:

Stap 1: Alle kandidate huur vroegtydig 'n toga en kwalifikasieband by "Die Stal" en kry toegangskaartjies vir hulle gaste.

Stap 2: Alle kandidate tot op **magistervlak** vergader by die Danie Craven Paviljoen en **doktorale kandidate** in die Barlowkamer. Die prosedure vanaf stap 3 is slegs vir kandidate tot op magistervlak van toepassing.

Stap 3: Die prosedure word verduidelik en alle kandidate se name word per fakulteit per kwalifikasie uitgelees. Eers alle nagraadse kwalifikasies en daarna voorgraadse kwalifikasies.

Stap 4: Nadat jou naam uitgelees is, stap jy na die tafel om jou voorstellingskaartjie te ontvang, wat tydens die plegtigheid deur jou Dekaan gebruik word om jou naam(e) en van te lees.

Stap 5: Alle kandidate word in rye, in numeriese orde volgens die nommer wat regs bo in die hoek van die voorstellingskaartjie gedruk is, opgestel.

Stap 6: Hou jou graadband vas soos in die foto's op die volgende bladsy gedemonstreer word.

Stap 7: Beamptes sal die kandidateprosesie oorneem na die Coetzenburg-sentrum.

GESINSFOTO'S



PLEK:

SPORTWETENSKAPGEBOU OP COETZENBURG

(AGTER COETZENBURG-SENTRUM IN SPORTWETENSKAPGEBOU (HOOFINGANG))

Datums: 2, 3, 4 en 5 April

Tye: 2 April (13:00 - 21:00), 3 en 4 April (07:30 - 21:00); 5 April (07:30 - 14:00)

4 x (20cm x 15cm) mini-vergroting foto's: **R180,00** vir afhaal of **R220,00** vir geregistreerde pos.

Toga en band beskikbaar by studio.

Let wel: Foto's word slegs geneem nadat betaling ontvang is.

Betaling kan by die studio gemaak word: kontant, snapsan of tjek.

Besprekings


Administrasie Blok A, Kamer 1013, of Tel: 021 808 3073 / 9260 / 3566 (08:00 – 16:30).

Direk na die plegtighede sal ons kandidate afneem soos hulle opdaag, omdat ons nie weet presies hoe laat die plegtighede gaan klaarmaak nie.

Kandidate kan vir enige dag 'n afspraak maak, dit hoef nie op dieselfde dag as hul plegtigheid te wees nie.

Amptelike grade-fotograwe van Universiteit Stellenbosch

GRADUERINGSEREMONIE: PROSES OP VERHOOG



HOE OM BAND TE HOU

Plaas band oor linkerpols met “V” na bokant van arm.



Hou los punt van die band tussen duim en wysvinger.



FOTO A



FOTO B



FOTO C



ROOI NOMMER OP VERHOOG (WAT BETEKEN DIT)

1. Stap na onderpunt van trap en stap trappe op; oorhandig jou voorstellingskaartjie aan die beampte. Jou naam word uitgelees.
2. Beweeg tot voor die persoon wat in die middel van die verhoog agter die podium sit en buig jou kop vorentoe vir tikkie op kop. Maak seker lang hare is uit jou gesig. Kyk effens op na jou linkerkant vir FOTO A (fotograaf by rooi nommer 4).
3. Beweeg na jou linkerkant tot voor volgende staande persoon – hou linkerarm uit – band word van jou arm afgehaal. Staan met jou rug na die persoon – jy kyk dus na die gehoor - en die band word van agter oor jou skouers gehang. Kyk effens op na jou regterkant vir FOTO B en C (fotograaf by rooi nommer 5).
4. Beweeg na jou regterkant teen die trap af, ontvang jou koker aan die onderpunt van die trap en stap terug na jou oorspronklike sitplek in die saal.

Let wel: Indien jy proewe van foto's via e-pos wil ontvang, stuur 'n e-pos met jou studentenummer, naam en e-posadres na: pacj@sun.ac.za of orders@scpsphoto.com

(Neem net kennis dat studente wat nie verder studeer nie, se toegang tot e-pos na hulle US e-posadres gestaak word aan die begin van die volgende jaar.)